

圆觉经讲义 科判

唐闍宾沙门佛陀多罗 译 圆瑛大师 著 雪相戒净 录

释道净 慈信 整理 校对 释果法 供稿 2 稿 qq 973451196

表 0: 经卷 讲义 对应表

(依 佛陀教育基金会 2012 版 校对)

经文卷	讲义【讲 x 卷】	表 (总 18 表)
卷上	【讲一卷】	(表 1) (2 表)
	【讲二卷】	(表 2) (3 表)
	【讲三卷】	(表 3) (4 表)
卷下	【讲四卷】	(表 4) (5 表)
	【讲五卷】	(表 5) (4 表)

表 1-1: (2 表)【讲一卷】经文卷上: 总表

科判		经文											
甲一. 总释名题		大方广圆觉陀罗尼		修多罗了义	秘密王三昧		如来决定境界		如来藏自性差别		经		
甲二. 教起因缘			甲三. 藏乘摄属			甲四. 体性深远			甲五. 能诠教体				
甲六. 所被机宜				甲七. 宗趣分别				甲八. 力用殊胜					
甲九. 传译流通								唐闍宾沙门佛陀多罗译					
今讲此经 依贤首宗 开启十门 ... 【讲一卷】	乙一. 序分分二	丙一. 六种证信序分三	丁一. 信闻时主					如是我闻：一时，婆伽婆，					
			丁二. 说处依真			入于神通大光明藏，三昧正受。一切如来光严住持，是诸众生清净觉地；身心寂灭；平等本际，圆满十方，不二随顺。于不二境现诸净土。							
			丁三. 同体法众分二	戊一. 举类标数		与大菩萨摩訶萨十万人俱。							
				戊二. 列上首名		其名曰：文殊师利菩萨、普贤菩萨、普眼菩萨、金刚藏菩萨、弥勒菩萨、清净慧菩萨、威德自在菩萨、辩音菩萨、净诸业障菩萨、普觉菩萨、圆觉菩萨、贤善首菩萨等而为上首。							
				戊三. 与伴同会		与诸眷属皆入三昧，同住如来平等法会。							
			丙二. 一经发起序分四	丁一. 文殊启请			于是文殊师利菩萨在大众中，即从座起，顶礼佛足，右绕三匝，长跪叉手而白佛言：						
		丁二. 正陈请词		戊一. 问如来本起因行		‘大悲世尊！愿为此会诸来法众，说于如来本起清净因地法行。							
				戊二. 问菩萨发心离病		及说菩萨于大乘中，发清净心，远离诸病。能使未来末世众生求大乘者不堕邪见。’作是语已，五体投地；如是三请，终而复始。							
		丁三. 如来赞许			尔时，世尊告文殊师利菩萨言：‘善哉！善哉！善男子！汝等乃能为诸菩萨咨询如来因地法行，及为末世一切众生求大乘者得正住持，不堕邪见。汝今谛听，当为汝说！’								
		丁四. 承教静听			时，文殊师利菩萨奉教欢喜，及诸大众默然而听。								
		乙二. 正宗分分二	丙一. 令信解真正成本起因分二（表 1-2）						丁一. 总标真宗				
									丁二. 别以详示分二				
			丙二. 令依解修行随根证入分二（表 2-1, 5-3）【讲二卷】【讲五卷】	丁一. 征释用心分五（表 2-1, 2-2）									
				丁二. 广明行相分三（表 2-2, 5-3）	戊一. 四问答通明观行上根修证分四（表 2-2, 3-4）		己一. 开示观门同佛分五（表 2-2, 2-3）						
	己二. 征释迷悟始终分五（表 3-1）【讲三卷】												
	己三. 深究轮回根本分五（表 3-2, 3-3）												
	己四. 略分修证之位分五（表 3-3, 3-4）												
	戊二. 四问答别明观行中根修证分二（表 4-1, 5-2）【讲四卷】【讲五卷】			己一. 二问答三观修行分二（表 4-1, 4-3）									
				己二. 二问答两重除障分二（表 4-4, 5-2）									
				戊三. 一问答道场加行下根修证分五（表 5-2, 5-3）									
	乙三. 流通分分五（表 5-4）												

表 1-2: (2 表)【讲一卷】经文卷上: 丙一. 令信解真正成本起因分二

丙一. 令信解真正成本起因分二	丁一. 总标真宗			‘善男子! 无上法王有大陀罗尼门, 名为圆觉。流出一切清净真如、菩提涅槃, 及波罗蜜, 教授菩萨。一切如来, 本起因地, 皆依圆照清净觉相, 永断无明, 方成佛道。	
	丁二. 别以详示分二	戊一. 长行分二	庚一. 明真因有力		云何无明? 善男子! 一切众生从无始来, 种种颠倒, 犹如迷人, 四方易处, 妄认四大为自身相, 六尘缘影为自心相; 譬彼病目见空中华, 及第二月。善男子! 空实无华, 病者妄执。由妄执故, 非惟惑此虚空自性, 亦复迷彼实华生处; 由此妄有轮转生死, 故名无明。
			己一. 酬答初请分三	庚二. 明无明本空分二	善男子! 此无明者, 非实有体; 如梦中人, 梦时非无, 及至于醒, 了无所得。如众空华灭于虚空, 不可说言有定灭处。何以故? 无生处故。一切众生于无生中妄见生灭, 是故说名轮转生死。
				辛一. 先示其相	善男子! 如来因地修圆觉者, 知是空华, 即无轮转, 亦无身心受彼生死。非作故无, 本性无故。彼知觉者犹如虚空, 知虚空者即空华相, 亦不可说无知觉性。有、无俱遣, 是则名为净觉随顺。何以故? 虚空性故, 常不动故, 如来藏中无起灭故, 无知见故, 如法界性究竟圆满遍十方故, 是则名为因地法行。
				辛二. 后显本空	菩萨因此于大乘中, 发清净心; 末世众生依此修行, 不堕邪见。’
			庚三. 明妄尽还觉		尔时, 世尊欲重宣此义而说偈言:
			己二. 酬答次请		‘文殊汝当知: 一切诸如来, 从于本因地, 皆以智慧觉, 了达于无明。
	戊二. 偈颂分二	己二. 正颂分二	庚一. 酬答初请分三	辛一. 明真因有力	知彼如空华, 即能免流转; 又如梦中人, 醒时不可得。
				辛二. 明无明本空	觉者如虚空, 平等不动转。觉遍十方界, 即得成佛道。众幻灭无处, 成道亦无得, 本性圆满故。
				辛三. 明妄尽还觉	菩萨于此中, 能发菩提心; 末世诸众生, 修此免邪见。’
			庚二. 酬答次请		

表 2-1: (3 表)【讲二卷】经文卷上: 丙二. 令依解修行随根证入分二

科判			经文	
丙二. 令依解修行随根证入分二【讲二卷】	丁一. 征释用心分五	戊一. 普贤启请		于是普贤菩萨在大众中, 即从座起, 顶礼佛足, 右绕三匝, 长跪叉手而白佛言:
		戊二. 正陈请词分五	己一. 总问云何修行	‘大悲世尊! 愿为此会诸菩萨众, 及为末世一切众生修大乘者, 闻此圆觉清净境界云何修行?’
			己二. 别难幻何修	世尊! 若彼众生知如幻者, 身、心亦幻, 云何以幻还修于幻?
			己三. 别疑断灭谁修	若诸幻性一切尽灭, 则无有心, 谁为修行? 云何复说修行如幻?
			己四. 别遮不修永失	若诸众生本不修行, 于生死中常居幻化, 曾不了知如幻境界, 令妄想心云何解脱?
			己五. 结请方便渐次	愿为末世一切众生, 作何方便渐次修习, 令诸众生永离诸幻? ’作是语已, 五体投地; 如是三请, 终而复始。
		戊三. 如来赞许		尔时, 世尊告普贤菩萨言: ‘善哉! 善哉! 善男子! 汝等乃能为诸菩萨及末世众生, 修习菩萨如幻三昧, 方便渐次, 令诸众生得离诸幻。汝今谛听, 当为汝说!’
		戊四. 承教静听		时, 普贤菩萨奉教欢喜, 及诸大众默然而听。

表 2-2: (3 表)【讲二卷】经文卷上: 丙二. 令依解修行随根证入分二

丙二	丁一·征释用心分五	戊五·正答所问分二	己一·长行分四	庚一. 标幻生觉中以示义本		‘善男子! 一切众生种种幻化, 皆生如来圆觉妙心。犹如空华, 从空而有, 幻华虽灭, 空性不坏。众生幻心, 还依幻灭。诸幻尽灭, 觉心不动。依幻说觉, 亦名为幻。若说有觉, 犹未离幻; 说无觉者亦复如是。是故, 幻灭名为不动。’										
				庚二. 明幻尽觉满以释前疑分三	辛一. 举喻		犹如空华, 从空而有, 幻华虽灭, 空性不坏。									
					辛二. 法合		众生幻心, 还依幻灭。诸幻尽灭, 觉心不动。									
					辛三. 叠拂		依幻说觉, 亦名为幻。若说有觉, 犹未离幻; 说无觉者亦复如是。是故, 幻灭名为不动。									
				庚三. 令离幻显觉正用心分四	辛一. 离幻		善男子! 一切菩萨及末世众生, 应当远离一切幻化虚妄境界。由坚执持远离心故, 心如幻者, 亦复远离。远离为幻, 亦复远离。离远离幻, 亦复远离。得无所离, 即除诸幻。									
					辛二. 显觉		得无所离, 即除诸幻。									
					辛三. 举喻		譬如钻火, 两木相因, 火出木尽, 灰飞烟灭。									
					辛四. 法合		以幻修幻亦复如是。诸幻虽尽, 不入断灭。									
				庚四. 辨幻觉不俱结酬其请		善男子! 知幻即离, 不作方便; 离幻即觉, 亦无渐次。一切菩萨及末世众生依此修行, 如是乃能永离诸幻。’										
				己二·偈颂分二	庚一. 标颂		尔时, 世尊欲重宣此义而说偈言:									
庚二. 正颂		‘普贤汝当知: 一切诸众生, 无始幻无知, 皆从诸如来, 圆觉心建立。犹如虚空华, 依空而有相, 空华若复灭, 虚空本不动。幻从诸觉生, 幻灭觉圆满, 觉心不动故。若彼诸菩萨, 及末世众生, 常应远离幻, 诸幻悉皆离。如木中生火, 木尽火还灭; 觉则无渐次, 方便亦如是。’														
·令依解修行随根证入分二	丁二·广明行相分三	戊一·四问答通明观行上根修证分五	己一·开示观门同佛分五	庚一. 普眼启请		于是普眼菩萨在大众中, 即从座起, 顶礼佛足, 右绕三匝, 长跪叉手, 而白佛言:										
				庚二. 正陈问词		‘大悲世尊! 愿为此会诸菩萨众, 及为末世一切众生, 演说菩萨修行渐次; 云何思惟? 云何住持? 众生未悟, 作何方便, 普令开悟? 世尊! 若彼众生无正方便及正思惟, 闻佛如来说此三昧, 心生迷闷, 即于圆觉不能悟入。愿佛慈悲, 为我等辈及末世众生, 假说方便。’ 作是语已, 五体投地; 如是三请, 终而复始。										
				庚三. 如来赞许		尔时, 世尊告普眼菩萨: ‘善哉! 善哉! 善男子! 汝等乃能为诸菩萨及末世众生, 问于如来, 修行渐次; 思惟、住持, 乃至假说种种方便。汝今谛听, 当为汝说!’										
				庚四. 承教静听		时, 普眼菩萨奉教欢喜, 及诸大众默然听而。										
				庚五·正答所问分二	辛一·长行分四	壬一. 起行方便		‘善男子! 彼新学菩萨及末世众生, 欲求如来净圆觉心, 应当正念, 远离诸幻。								
						癸一. 戒定		先依如来奢摩他行, 坚持禁戒, 安处徒众, 宴坐静室。								
						壬二·观行成就分二	癸二·观慧分二	子一·明二空观分二	丑一·破执分二	寅一·我空	恒作是念: “我今此身四大和合。所谓发毛、爪齿、皮肉、筋骨、髓脑、垢色, 皆归于地; 唾涕、脓血、津液、涎沫、痰泪、精气、大小便利, 皆归于水; 暖气归火; 动转归风。” 四大各离, 今者妄身, 当在何处? 即知此身毕竟无体, 和合为相, 实同幻化。四缘假合, 妄有六根; 六根、四大, 中外合成, 妄有缘气, 于中积聚, 似有缘相, 假名为心。善男子! 此虚妄心若无六尘则不能有, 四大分解, 无尘可得, 于中缘尘各归散灭, 毕竟无有缘心可见。					
											寅二·法空	善男子! 彼之众生幻身灭故, 幻心亦灭; 幻心灭故, 幻尘亦灭; 幻尘灭故, 幻灭亦灭;				
									丑二. 显理		幻灭灭故, 非幻不灭。譬如磨镜, 垢尽明现。					

表 2-3: (3 表)【讲二卷】经文卷上: 丙二. 令依解修行随根证入分二

丙二. 令依解修行随根证入分二	丁二. 广明行相分三	戊一. 四问答通明观行上根修证分五	己一. 开示观门同佛分五	庚五. 正答所问分二	辛一. 长行分四	壬二. 明法界观分三	癸二. 观慧分二	壬二. 观行成就分二	丑一. 印前显后	善男子! 当知身心皆为幻垢、垢相永灭, 十方清静。善男子! 譬如清静摩尼宝珠, 映于五色, 随方各现, 诸愚痴者, 见彼摩尼实有五色。善男子! 圆觉净性现于身心, 随类各应, 彼愚痴者说净圆觉实有如是身心自相, 亦复如是。				
										丑二. 拂迹入玄		由此不能远于幻化, 是故我说身心幻垢、对离幻垢、说名菩萨。垢尽对除, 即无对垢及说名者。		
										寅一. 一真法界		善男子! 此菩萨及末世众生, 证得诸幻灭影像故, 尔时便得无方清静。无边虚空, 觉所显发。		
										寅二. 三重法界分三	卯一. 真空绝相观	觉圆明故, 显心清静; 心清静故, 见尘清静。见清静故, 眼根清静; 根清静故, 眼识清静。识清静故, 闻尘清静; 闻清静故, 耳根清静; 根清静故, 耳识清静。识清静故, 觉尘清静; 如是乃至鼻、舌、身、意, 亦复如是。善男子! 根清静故, 色尘清静; 色清静故, 声尘清静; 香、味、触、法, 亦复如是。善男子! 六尘清静故, 地大清静; 地清静故, 水大清静; 火大、风大亦复如是。善男子! 四大清静故, 十二处、十八界、二十五有清静; 彼清静故, 十力、四无所畏、四无碍智、佛十八不共法、三十七助道品清静; 如是乃至八万四千陀罗尼门, 一切清静。善男子! 一切实相性清静故, 一身清静; 一身清静故, 多身清静; 多身清静故, 如是乃至十方众生圆觉清静。善男子! 一世界清静故, 多世界清静; 多世界清静故, 如是乃至尽于虚空, 圆裹三世, 一切平等清静不动。		
											卯二. 理事无碍观	善男子! 虚空如是平等不动; 当知觉性平等不动; 四大不动, 当知觉性平等不动; 如是乃至八万四千陀罗尼门平等不动, 当知觉性平等不动。		
											卯三. 周遍含容观	善男子! 觉性遍满、清静不动、圆无际故, 当知六根遍满法界; 根遍满故, 当知六尘遍满法界; 尘遍满故, 当知四大遍满法界; 如是乃至陀罗尼门遍满法界。善男子! 由彼妙觉性遍满故, 根性、尘性无坏无杂; 根、尘无坏杂故, 如是乃至陀罗尼门, 无坏无杂; 如百千灯光照一室, 其光遍满, 无坏无杂。		
										壬三. 顿同佛境	癸一. 用心同	子一. 法	善男子! 觉成就故, 当知菩萨不与法缚, 不求法脱。不厌生死, 不爱涅槃。不敬持戒, 不憎毁禁。不重久习, 不轻初学。何以故? 一切觉故。	
												子二. 喻	譬如眼光, 晓了前境, 其光圆满, 得无憎爱。何以故? 光体无二, 无憎爱故。	
											癸二. 见境同		善男子! 此菩萨及末世众生, 修习此心得成就者, 于此无修, 亦无成就。圆觉普照, 寂灭无二。于中百千万亿阿僧祇不可说恒河沙诸佛世界, 犹如空华, 乱起乱灭, 不即不离, 无缚无脱; 始知众生本来成佛, 生死涅槃犹如昨梦。	
											癸三. 称实同		善男子! 如昨梦故, 当知生死及与涅槃, 无起无灭, 无去无来。其所证者, 无得无失, 无取无舍。其能证者, 无作无止, 无任无灭。于此证中, 无能无所, 毕竟无证, 亦无证者, 一切法性平等不坏。	
										壬四. 结合问词			善男子! 彼诸菩萨如是修行, 如是渐次, 如是思惟, 如是住持, 如是方便, 如是开悟, 求如是法, 亦不迷闷。’	
										辛二. 偈颂	壬一. 标颂			尔时, 世尊欲重宣此义而说偈言:
											壬二. 正颂			‘普眼汝当知: 一切诸众生, 身心皆如幻, 身相属四大, 心性归六尘, 四大体各离, 谁为和合者? 如是渐修行, 一切悉清静, 不动遍法界, 无作止任灭, 亦无能证者。一切佛世界, 犹如虚空华, 三世悉平等, 毕竟无来去。初发心菩萨及末世众生, 欲求入佛道, 应如是修习。’

表 3-1: (4 表)【讲三卷】经文卷上: 丙二. 令依解修行随根证入分二

科判		经文	
丙二·令依解修行随根证入分二	丁二·广明行相分三	戊一·四问答通明观行上根修证分五	庚一. 金刚藏启请
			于是金刚藏菩萨在大众中, 即从座起, 顶礼佛足, 右绕三匝, 长跪叉手而白佛言:
			‘大悲世尊! 善为一切诸菩萨众, 宣扬如来圆觉清净大陀罗尼, 因地法行渐次方便, 与诸众生开发蒙昧。在会法众, 承佛慈诲, 幻翳朗然, 慧目清净。
			世尊! 若诸众生本来成佛, 何故复有一切无明? 若诸无明众生本有, 何因缘故, 如来复说本来成佛? 十方异生本成佛道, 后起无明; 一切如来何时复生一切烦恼?
			唯愿不舍无遮大慈, 为诸菩萨开秘密藏, 及为末世一切众生, 得闻如是修多罗教了义法门, 永断疑悔。’ 作是语已, 五体投地; 如是三请, 终而复始。
			庚三. 如来赞许
			尔时, 世尊告金刚藏菩萨言: ‘善哉! 善哉! 善男子! 汝等乃能为诸菩萨及末世众生, 问于如来甚深秘密究竟方便。是诸菩萨最上教诲了义大乘, 能使十方修学菩萨, 及诸末世一切众生, 得决定信, 永断疑悔。汝今谛听, 当为汝说!’
			庚四. 承教静听
			时, 金刚藏菩萨奉教欢喜, 及诸大众默然而听。
			壬一·反覆疑端分三
			癸一. 总指轮回
			‘善男子! 一切世界始、终、生、灭, 前、后、有、无, 聚、散、起、止, 念念相续, 循环往复, 种种取舍, 皆是轮回。
			癸二. 真随妄转
			‘未出轮回而辨圆觉, 彼圆觉性即同流转; 若免轮回, 无有是处。譬如动目能摇湛水; 又如定眼由回转火。云驶月运, 舟行岸移, 亦复如是。善男子! 诸旋未息, 彼物先住, 尚不可得; 何况轮转生死垢心曾未清净, 观佛圆觉而不旋复?’
			癸三. 结指前疑
己二·征释迷悟始终分五【讲三卷】	庚五·正答所问分二	辛一·长行分四	是故汝等便生三惑。
			壬二·喻释现起之疑分二
			癸一. 中空无灭起喻分三
			子一. 喻释分二
			丑一. 翳差华亡喻
			善男子! 譬如幻翳, 妄见空华。幻翳若除, 不可说言: “此翳已灭, 何时更起一切诸翳?” 何以故? 翳华二法非相待故。
			丑二. 空不生华喻
			亦如空华灭于空时, 不可说言: “虚空何时更起空华?” 何以故? 空本无华, 非起灭故。
			子二. 法合
			生死涅槃同于起灭, 妙觉圆照离于华翳。
			子三. 结成
			善男子! 当知虚空, 非是暂有, 亦非暂无, 况复如来圆觉随顺, 而为虚空平等本性。
			癸二. 金中矿不重生喻
			善男子! 如销金矿, 金非销有; 既已成金, 不重为矿。经无穷时, 金性不坏。不应说言 “本非成就。” 如来圆觉亦复如是。
丙二·令依解修行随根证入分二	丁二·广明行相分三	戊一·四问答通明观行上根修证分五	壬三·显示浅难深造分二
			癸一. 所造离念
			善男子! 一切如来妙圆觉心, 本无善提及与涅槃, 亦无成佛及不成佛, 无妄轮回及非轮回。
			癸二·能造带情分四
			子一. 举胜彰劣
			善男子! 但诸声闻所圆境界, 身心语言皆悉断灭, 终不能至彼之亲证所现涅槃, 何况能以有思惟心, 测度如来圆觉境界?
			子二. 举喻显情
			如取萤火烧须弥山, 终不能著; 以轮回心生轮回见, 入于如来大寂灭海, 终不能至。
			子三. 诚息妄心
			是故我说一切菩萨及末世众生, 先断无始轮回根本。
			子四. 重明妄义
			善男子! 有作思惟, 从有心起, 皆是六尘妄想缘气, 非实心体, 已如空华。用此思惟辨于佛境, 犹如空华, 复结空果; 辗转妄想, 无有是处。善男子! 虚妄浮心, 多诸巧见, 不能成就, 圆觉方便。
			壬四. 结答问不当理
			如是分别, 非为正问。’
丙二·令依解修行随根证入分二	丁二·广明行相分三	戊一·四问答通明观行上根修证分五	辛二·偈颂分二
			壬一. 标颂
			尔时, 世尊欲重宣此义而说偈言:
			壬二·正颂
			‘金刚藏当知: 如来寂灭性, 未曾有始终。若以轮回心, 思惟即旋复; 但至轮回际, 不能入佛海。譬如销金矿, 金非销故有, 虽复本来金, 终以销成就; 一成真金体, 不复重为矿。生死与涅槃, 凡夫及诸佛, 同为空华相。思惟犹幻化, 何况诳虚妄? 若能了此心, 然后求圆觉。’

表 3-2: (4 表)【讲三卷】经文卷上: 丙二. 令依解修行随根证入分二

丙二·令依解修行随根证入分二 丁二·广明行相分三 戊一·四问答通明观行上根修证分五	庚一. 弥勒启请			于是弥勒菩萨在大众中，即从座起，顶礼佛足，右绕三匝，长跪叉手而白佛言：				
	庚二·陈请词分二	辛一. 庆前	‘大悲世尊！广为菩萨开秘密藏，令诸大众深悟轮回，分别邪正，能施末世，一切众生无畏道眼，于大涅槃生决定信，无复重随轮转境界，起循环见。					
		辛二. 请后	世尊！若诸菩萨及末世众生，欲游如来，大寂灭海，云何当断轮回根本？于诸轮回有几种性？修佛菩提几等差别？回入尘劳，当设几种教化方便度诸众生？惟愿不舍救世大悲，令诸修行一切菩萨及末世众生，慧目肃清，照耀心镜，圆悟如来无上知见。’作是语已，五体投地；如是三请，终而复始。					
	庚三. 如来赞许			尔时，世尊告弥勒菩萨言：‘善哉！善哉！善男子！汝等乃能为诸菩萨及末世众生，请问如来深奥秘密微妙之义，令诸菩萨洁清慧目，及令一切末世众生永断轮回，心悟实相，具无生忍。汝今谛听，当为汝说！’				
	庚四. 承教静听			时，弥勒菩萨奉教欢喜，及诸大众默然而听。				
	己三·深究轮回根本分五	庚五·正答所问分二	辛一·云何当断轮回根本分三	壬一. 略明		‘善男子！一切众生从无始际，由有种种恩爱贪欲，故有轮回。		
				壬二. 详示		若诸世界一切种性：卵生、胎生、湿生、化生，皆因淫欲而正性命。当知轮回，爱为根本。		
				壬三. 结成		由有诸欲，助发爱性，是故能令生死相续。		
			壬二·于诸轮回有几种性分三	癸一. 显爱相续		欲因爱生，命因欲有，众生爱命，还依欲本；爱欲为因，爱命为果。		
				癸二·依轮分性	子一. 恶种性	由于欲境，起诸违顺，境背爱心而生憎嫉，造种种业，是故复生地狱、饿鬼。		
					子二. 善种性	知欲可厌，爱厌业道，舍恶乐善，复现天人。		
					子三. 上善性	又知诸爱可厌恶故，弃爱乐舍，还滋爱本，便现有为增上善果。		
			癸三. 结断应先		皆轮回故，不成圣道。是故众生欲脱生死，免诸轮回，先断贪欲及除爱渴。善男子，菩萨变化示现世间，非爱为本但以慈悲令彼舍爱，假诸贪欲而入生死。			
			壬三·修佛菩提几等差别分二	癸一. 断迷成悟		若诸末世一切众生，能舍诸欲及除憎爱，永断轮回，勤求如来圆觉境界，于清净心便得开悟。		
				癸二·因修显别分二	子一. 总标		善男子！一切众生由本贪欲，发挥无明，显出五性差别不等，依二种障而现深浅。	
					丑一. 别明二障		云何二障？一者理障，碍正知见；二者事障，续诸生死。	
子二·别明五性分五					寅一. 凡夫性		云何五性？善男子！若此二障未得断灭，名未成佛。	
					寅二. 闻缘性		若诸众生永舍贪欲，先除事障，未断理障，但能悟入声闻、缘觉未能显住菩萨境界。	
					寅三. 菩萨性		善男子！若诸末世一切众生，欲泛如来大圆觉海，先当发愿勤断二障；二障已伏，即能悟入菩萨境界。若事、理障，已永断灭，即入如来微妙圆觉，满足菩提及大涅槃。	
		寅四. 不定性			善男子！一切众生皆证圆觉，逢善知识，依彼所作因地法行。尔时修习，便有顿渐，若遇如来无上菩提正修行路，根无大小，皆成佛果。			
	寅五. 外道性		若诸众生虽求善友，遇邪见者，未得正悟，是则名为：外道种性。邪师过谬，非众生咎。是名众生五性差别。					

表 3-3: (4 表)【讲三卷】经文卷上: 丙二. 令依解修行随根证入分二

丙二. 令依解修行随根证入分二	己三. 深究轮回根本分五	庚五. 正答所问分二	辛一. 长行分四	壬四. 入劳种方便分二	癸一. 大悲下化	善男子! 菩萨唯以大悲方便, 入诸世间, 开发未悟, 乃至示现种种形相, 逆顺境界。与其同事, 化令成佛, 皆依无始清净愿力。	
					癸二. 大智上求	若诸末世一切众生, 于大圆觉起增上心, 当发菩萨清净大愿。应作是言: “愿我今者, 住佛圆觉, 求善知识, 莫值外道及与二乘。依愿修行, 渐断诸障, 障尽愿满, 便登解脱清净法殿, 证大圆觉妙庄严域。”	
			辛二. 偈颂分二	壬一. 标颂		尔时, 世尊欲重宣此义而说偈言:	
				壬二. 正颂	‘弥勒汝当知: 一切诸众生, 不得大解脱, 皆由贪欲故, 堕落于生死。若能断憎爱, 及与贪瞋痴, 不因差别性, 皆得成佛道。二障永销灭, 求师得正悟, 随顺菩萨愿, 依止大涅槃。十方诸菩萨, 皆以大悲愿, 示现入生死。现在修行者, 及末世众生, 勤断诸爱见, 便归大圆觉。’		
		庚一. 清净慧启请		于是清净慧菩萨在大众中, 即从座起, 顶礼佛足, 右绕三匝, 长跪叉手而白佛言:			
		庚二. 正陈请词分二	辛一. 庆前	‘大悲世尊! 为我等辈, 广说如是不思议事; 本所不见, 本所不闻。我等今者, 蒙佛善诱, 身心泰然, 得大饶益。			
			辛二. 请后	愿为诸来一切法众, 重宣法王圆满觉性, 一切众生及诸菩萨, 如来世尊所证、所得, 云何差别? 令末世众生闻此圣教, 随顺开悟, 渐次能入。’ 作是语已, 五体投地; 如是三请, 终而复始。			
		庚三. 如来赞许		尔时, 世尊告清净慧菩萨言: ‘善哉! 善哉! 善男子! 汝等乃能为末世众生, 请问如来渐次差别。汝今谛听, 当为汝说!’			
		庚四. 承教静听		时, 清净慧菩萨奉教欢喜, 及诸大众默然而听。			
		己四. 略分修证之位分五	庚五. 正答所问分二	辛一. 长行分二	壬一. 明圆觉无证分二	癸一. 正明无证	
癸二. 征释所以						何以故? 菩萨、众生皆是幻化; 幻化灭故, 无取证者。譬如眼根, 不自见眼; 性自平等, 无平等者。	
癸一. 总标大意分二	子一. 功用有殊				众生迷倒, 未能除灭一切幻化, 于灭未灭妄功用中, 便显差别。		
	子二. 功极不异				若得如来寂灭随顺, 实无寂灭及寂灭者。		
丑一. 信位分三	寅一. 标具足凡夫				善男子! 一切众生从无始来, 由妄想我及爱我者, 曾不自知念念生灭, 故起憎爱, 耽著五欲。		
	寅二. 明闻法觉悟				若遇善友, 教令开悟净圆觉性, 发明起灭, 即知此生性自劳虑。		
	寅三. 明息妄随真				若复有人, 劳虑永断, 得法界净, 即彼净解为自障碍, 故于圆觉而不自在。此名凡夫随顺觉性。		
丑二. 贤位					善男子! 一切菩萨见解为碍, 虽断解碍, 犹住见觉。觉得碍而不自在, 此名菩萨未入地者随顺觉性。		
丑三. 圣位分三	寅一. 悟前非				善男子! 有照有觉, 俱名障碍。		
	寅二. 明证相				是故菩萨常觉不住, 照与照者, 同时寂灭。譬如有人, 自断其首, 首已断故, 无能断者。则以碍心, 自灭诸碍, 碍已断灭, 无灭碍者。修多罗教, 如标月指, 若复见月, 了知所标毕竟非月; 一切如来种种言说, 开示菩萨, 亦复如是。		
					寅三. 结成位	此名: 菩萨已入地者随顺觉性。	
丑四. 果位分三	寅一. 明境				善男子! 一切障碍即究竟觉; 得念失念无非解脱; 成法破法皆名涅槃; 智慧、愚痴通为般若; 菩萨、外道所成就法同是菩提; 无明、真如无异境界; 诸戒定慧, 及淫怒痴俱是梵行; 众生国土同一法性; 地狱、天宫皆为净土; 有性、无性, 齐成佛道; 一切烦恼毕竟解脱。		
					寅二. 明心	法界海慧照了诸相, 犹如虚空。	
					寅三. 结名	此名: 如来随顺觉性。	

表 3-4: (4 表)【讲三卷】经文卷上: 丙二. 令依解修行随根证入分二

丙二. 依解随入修行证分二 丁二. 广明行相分三 戊一. 问答通行上根修证分五	己四. 略分修证之位分五	庚五. 正答所问分二	辛一. 长行分二	壬二. 明对机说证分二	癸二. 证位阶差分二	子二. 明亡心顿证分三	丑一. 亡心入分二	寅一. 指示安心	善男子! 但诸菩萨及末世众生, 居一切时, 不起妄念。于诸妄心亦不息灭, 住妄想境不加了知, 于无了知不辨真实。
								寅二. 依法顿入	彼诸众生闻是法门, 信解受持, 不生惊畏, 是则名为随顺觉性。
							丑二. 验果知因		善男子! 汝等当知: 如是众生, 已曾供养百千万亿恒河沙诸佛及大菩萨, 植众德本;
							丑三. 印成佛智		佛说是人, 成就一切种智。’
							壬一. 标颂		尔时, 世尊, 欲重宣此义而说偈言:
			辛二. 偈颂分二		壬二. 正颂	‘清净慧当知: 圆满菩提性, 无取亦无证, 无菩萨众生。觉与未觉时, 渐次有差别。众生为解碍, 菩萨未离觉。入地永寂灭, 不住一切相大觉悉圆满, 名为遍随顺。末世诸众生, 心不生虚妄, 佛说如是人, 现世即菩萨。供养恒沙佛, 功德已圆满, 虽有多方便, 皆名随顺智。’			

表 4-1: (5 表)【讲四卷】经文卷下: 丙二. 令依解修行随根证入分二

				科判		经文			
丙二. 令依解修行随根证入分二 丁二. 广明行相分三	戊二. 四问答别明观行中根修证分二 【讲四卷】	己一. 二问答三观修行分二	庚一. 示三观行相分五	辛一. 威德启请		于是威德自在菩萨在大众中，即从座起，顶礼佛足，右绕三匝，长跪叉手而白佛言：			
				辛二. 陈请词分二	壬一. 庆前		‘大悲世尊！广为我等，分别如是随顺觉性令诸菩萨觉心光明，承佛圆音，不因修习而得善利。		
					壬二. 请后分二	癸一. 问所修		世尊譬如大城，外有四门，随方来者非止一路；一切菩萨庄严佛国及成菩提，非一方便。惟愿世尊广为我等，宣说一切方便渐次，并修行人总有几种？	
						癸二. 明所为		令此会菩萨及末世众生求大乘者，速得开悟，游戏如来大寂灭海。’作是语已，五体投地；如是三请，终而复始。	
				辛三. 如来赞许		尔时，世尊告威德自在菩萨言：‘善哉！善哉！善男子！汝等乃能为诸菩萨及末世众生，问于如来如是方便。汝今谛听，当为汝说！’			
				辛四. 承教静听		时，威德自在菩萨奉教欢喜，及诸大众默然而听。			
				辛五. 正答所问分二	癸一. 标本举数分二	子一. 约称性之行以标本		‘善男子！无上妙觉遍诸十方，出生如来与一切法，同体平等。于诸修行，实无有二。	
						子二. 约随机之行以举数		方便随顺，其数无量。圆摄所归，循性差别，当有三种。	
					子一. 泯相澄神观分四	丑一. 示立行之本		善男子！若诸菩萨悟净圆觉，	
						丑二. 示观行之相		以净觉心，取静为行；由澄诸念，觉识烦动；	
						丑三. 示入观之效		静慧发生，身心客尘从此永灭，便能内发寂静轻安。由寂静故，十方世界诸如来心，于中显现，如镜中像。	
						丑四. 结观行之名		此方便者，名奢摩他。	
					子二. 起幻销尘观分四	丑一. 示立行之本		善男子！若诸菩萨悟净圆觉，	
						丑二. 示观行之相		以净觉心，知觉心性 & 与根尘，皆因幻化；即起诸幻，以除幻者，变化诸幻而开幻众。	
						丑三. 示渐次增进		由起幻故，便能内发大悲轻安。一切菩萨从此起行，渐次增进。彼观幻者，非同幻故。非同幻观，皆是幻故，幻相永离。是诸菩萨所圆妙行，如土长苗。	
						丑四. 结观行之名		此方便者，名三摩钵提。	

表 4-2: (5 表)【讲四卷】经文卷下: 丙二. 令依解修行随根证入分二

丙二. 令依解修行随根证入分二	丁二. 广明行相分三	戊二. 四问答别明观行中根修证分二	己二. 二问答三观修行分二	庚一. 示三观行相分五	辛五. 正答所问分二	壬一. 长行分四	癸二. 示正观分三	子三. 待灵心观分四	丑一. 标立行之本	善男子! 若诸菩萨悟净圆觉,														
									丑二. 示观行之相	以净觉心, 不取幻化及诸静相, 了知身心皆为挂碍, 无知觉明, 不依诸碍, 永得超过碍、无碍境, 受用世界及与身心, 相在尘域, 如器中铎, 声出于外。烦恼涅槃不相留碍。														
									丑三. 示成就利益	便能内发寂灭轻安。妙觉随顺寂灭境界, 自他身心所不能及, 众生寿命皆为浮想。														
									丑四. 结观行之名	此方便者, 名为禅那。														
						癸三. 引例彰圆		善男子! 此三法门皆是圆觉亲近随顺, 十方如来因此成佛, 十方菩萨种种方便, 一切同异, 皆依如是三种事业。若得圆证, 即成圆觉。																
						癸四. 校量显胜		善男子! 假使有人修于圣道, 教化成就百千万亿阿罗汉、辟支佛果, 不如有人闻此圆觉无碍法门, 一刹那顷, 随顺修习。’																
						壬二. 偈颂分二	癸一. 标颂		尔时, 世尊欲重宣此义而说偈言:															
							癸二. 正颂		‘威德汝当知: 无上大觉心, 本际无二相, 随顺诸方便, 其数即无量。如来总开示, 便有三种类: 寂静奢摩他, 如镜照诸像; 如幻三摩提, 如苗渐增长; 禅那唯寂灭, 如彼器中铎。三种妙法门, 皆是觉随顺, 十方诸如来, 及诸大菩萨, 因此得成道; 三事圆证故, 名究竟涅槃。’															
						辛一. 辩音启请									于是辩音菩萨在大众中, 即从座起, 顶礼佛足, 右绕三匝, 长跪叉手而白佛言:									
						辛二. 正陈请词分二	壬一. 庆前				‘大悲世尊! 如是法门甚为希有!													
							壬二. 请后分二				癸一. 问所修		世尊! 此诸方便, 一切菩萨于圆觉门有几修习?											
										癸二. 明所为		愿为大众及末世众生, 方便开示, 令悟实相。’作是语已, 五体投地; 如是三请, 终而复始。												
						辛三. 如来赞许				尔时, 世尊告辩音菩萨言: ‘善哉! 善哉! 善男子! 汝等乃能为诸大众及末世众生, 问于如来如是修习。汝今谛听, 当为汝说!’														
						辛四. 承教静听				时, 辩音菩萨奉教欢喜, 及诸大众默然而听。														
庚二. 明单复圆修分五	辛五. 正答所问分二	壬一. 长行分二	癸二. 观网交罗分三	癸一. 举意标数		‘善男子! 一切如来圆觉清净, 本无修习及修习者; 一切菩萨及末世众生, 依于未觉幻力修习, 尔时便有二十五种清净定轮。																		
				子一. 单修观分三	丑一. 澄浑息用观		若诸菩萨唯取极静, 由静力故, 永断烦恼, 究竟成就, 不起于座, 便入涅槃。此菩萨者, 名单修奢摩他。																	
					丑二. 庖丁恣刃观		若诸菩萨唯观如幻, 以佛力故, 变化世界种种作用, 备行菩萨清净妙行, 于陀罗尼不失寂念及诸静慧。此菩萨者, 名单修三摩钵提。																	
					丑三. 呈音出碍观		若诸菩萨唯灭诸幻, 不取作用, 独断烦恼; 烦恼断尽, 便证实相, 此菩萨者, 名单修禅那。																	
				子二. 交络三观分二十一	丑一. 运舟兼济观		若诸菩萨先取至静, 以静慧心照诸幻者, 便于是中起菩萨行。此菩萨者, 名先修奢摩他, 后修三摩钵提。																	
					丑二. 湛海澄空观		若诸菩萨以静慧故, 证至静性, 便断烦恼, 永出生死。此菩萨者, 名先修奢摩他, 后修禅那。																	
					丑三. 首罗三目观		若诸菩萨以寂静慧复现幻力, 种种变化, 度诸众生, 后断烦恼而入寂灭。此菩萨者, 名先修奢摩他, 中修三摩钵提, 后修禅那。																	
					丑四. 三点齐修观		若诸菩萨以至静力, 断烦恼已, 后起菩萨清净妙行, 度诸众生。此菩萨者, 名先修奢摩他, 中修禅那, 后修三摩钵提。																	
					丑五. 品字单双观		若诸菩萨以至静力, 心断烦恼, 复度众生, 建立世界。此菩萨者, 名先修奢摩他, 齐修三摩钵提, 禅那。																	

表 4-3: (5 表)【讲四卷】经文卷下: 丙二. 令依解修行随根证入分二

丙二. 令依解修行随根证入分二 丁二. 广明行相分三 戊二. 四问答别明观行中根修证分二 己一. 二问答三观修行分二	庚二. 明单复圆修分五 辛五. 正答所问分二	壬一. 长行分二	癸二. 观网交罗分三	子二. 交络三观分二十一	丑六. 独足双头观	若诸菩萨以至静力, 资发变化, 后断烦恼。此菩萨者, 名齐修奢摩他、三摩钵提, 后修禅那。
					丑七. 果落华敷观	若诸菩萨以至静力, 用资寂灭, 后起作用, 变化世界。此菩萨者, 名齐修奢摩他、禅那, 后修三摩钵提。
					丑八. 先武后文观	若诸菩萨以变化力, 种种随顺而取至静, 此菩萨者, 名先修三摩钵提, 后修奢摩他。
					丑九. 功成退职观	若诸菩萨以变化力, 种种境界而取寂灭。此菩萨者, 名先修三摩钵提, 后修禅那。
					丑十. 幻师解术观	若诸菩萨以变化力, 而作佛事, 安住寂静, 而断烦恼。此菩萨者, 名先修三摩钵提, 中修奢摩他, 后修禅那。
					丑十一. 神龙隐海观	若诸菩萨以变化力, 无碍作用, 断烦恼故, 安住至静。此菩萨者, 名先修三摩钵提, 中修禅那, 后修奢摩他。
					丑十二. 龙树通真观	若诸菩萨以变化力, 方便作用, 至静寂灭二俱随顺。此菩萨者, 名先修三摩钵提, 齐修奢摩他、禅那。
					丑十三. 商那示相观	若诸菩萨以变化力, 种种起用, 资于至静, 后断烦恼。此菩萨者, 名齐修三摩钵提、奢摩他, 后修禅那。
					丑十四. 大通宴默观	若诸菩萨以变化力, 资于寂灭, 后住清静, 无作静虑。此菩萨者, 名齐修三摩钵提、禅那, 后修奢摩他。
					丑十五. 宝明空海观	若诸菩萨以寂灭力而取至静, 住于清静。此菩萨者, 名先修禅那, 后修奢摩他。
					丑十六. 虚空妙用观	若诸菩萨以寂灭力而起作用, 于一切境, 寂用随顺。此菩萨者, 名先修禅那, 后修三摩钵提。
					丑十七. 舜若呈神观	若诸菩萨以寂灭力, 种种自性, 安于静虑而起变化。此菩萨者, 名先修禅那, 中修奢摩他, 后修三摩钵提。
					丑十八. 饮光归定观	若诸菩萨以寂灭力, 无作自性, 起于作用, 清静境界, 归于静虑。此菩萨者, 名先修禅那, 中修三摩钵提, 后修奢摩他。
					丑十九. 多宝呈通观	若诸菩萨以寂灭力, 种种清静而住静虑, 起于变化。此菩萨者, 名先修禅那, 齐修奢摩他、三摩钵提。
					丑二十. 下方腾化观	若诸菩萨以寂灭力, 资于至静而起变化。此菩萨者, 名齐修禅那、奢摩他, 后修三摩钵提。
					丑二十一. 帝青含变观	若诸菩萨以寂灭力资于变化, 而起至静, 清明境慧。此菩萨者, 名齐修禅那、三摩钵提, 后修奢摩他。
				子三. 圆修三观		若诸菩萨, 以圆觉慧圆合一切, 于诸性相, 无离觉性。此菩萨者, 名为圆修三种自性清静随顺。
				癸三. 结成正因		善男子! 是名菩萨二十五轮一切菩萨修行如是。
				癸四. 总示修习		若诸菩萨及末世众生, 依此轮者, 当持梵行, 寂静思惟, 求哀忏悔, 经三七日, 于二十五轮, 各安标记, 至心求哀, 随手取结。依结开示, 便知顿渐; 一念疑悔, 即不成就。’
		壬二. 偈颂分二	癸一. 标颂		尔时, 世尊欲重宣此义而说偈言:	
			癸二. 正颂		‘辩音汝当知: 一切诸菩萨, 无碍清静慧, 皆依禅定生, 所谓奢摩他, 三摩提禅那。三法顿渐修, 有二十五轮; 十方诸如来, 三世修行者, 无不因此法, 而得成菩提。惟除顿觉人, 并法不随顺, 一切诸菩萨, 及末世众生, 常当持此轮, 随顺勤修习, 依佛大悲力, 不久证涅槃。’	

表 4-4: (5 表)【讲四卷】经文卷下: 丙二. 令依解修行随根证入分二

丙二·令依解修行随根证入分二 丁二·广明行相分三 戊二·四问答别明观行中根修证分二	辛一. 净业启请			于是, 净诸业障菩萨在大众中, 即从座起, 顶礼佛足, 右绕三匝, 长跪叉手而白佛言:		
	辛二. 正陈请词分二	壬一. 庆前		‘大悲世尊! 为我等辈广说如是不思议事; 一切如来, 因地行相; 令诸大众得未曾有, 睹见调御历恒沙劫勤苦境界, 一切功用犹如一念, 我等菩萨深自庆慰。		
		壬二. 问后		世尊! 若此觉心本性清静, 因何染污, 使诸众生迷闷不入? 惟愿如来广为我等开悟法性, 令此大众及末世众生, 作将来眼。’ 说是语已, 五体投地; 如是三请, 终而复始。		
	辛三. 如来赞许			尔时, 世尊告净诸业障菩萨言: ‘善哉! 善哉! 善男子! 汝等乃能为诸大众及末世众生, 咨问如来如是方便。汝今谛听, 当为汝说!’		
	辛四. 承教静听			时, 净诸业障菩萨奉教欢喜, 及诸大众默然而听。		
	己二·二问答两重除障分二 庚一·除我入觉分五 辛五·正答所问分三 壬一·长行分三 癸一·开示障道四相分三 子二·开示迷智四相分三	子一. 开示迷识四相分三	丑一. 迷识执相		‘善男子! 一切众生从无始来, 妄想执有我、人、众生及与寿命, 认四颠倒为实我体。	
			丑二. 别成凡小		由此便生憎爱二境。于虚妄体重执虚妄, 二妄相依, 生妄业道。有妄业故, 妄见流转; 厌流转者, 妄见涅槃	
			丑三. 总斥迷闷		由此不能, 入清静觉。非觉违拒诸能入者; 有诸能入, 非觉入故。是故, 动念及与息念, 皆归迷闷。	
		丑二. 次第别明分四	丑一. 承征引说		何以故? 由有无始本起无明, 为己主宰, 一切众生, 生无慧目, 身心等性, 皆是无明。譬如有人, 不自断命。是故当知, 有爱我者, 我与随顺; 非随顺者, 便生憎怨。为憎爱心, 养无明故, 相续求道, 皆不成就。	
			寅一. 征释我相	善男子! 云何我相? 谓诸众生心所证者。善男子! 譬如有人, 百骸调适, 忽忘我身; 四肢弦缓, 摄养乖方微加针艾, 即知有我; 是故证取方现我体。善男子! 其心乃至证于如来, 毕竟了知清静涅槃、皆是我相。		
寅二. 征释人相				善男子! 云何人相? 谓诸众生心悟证者。善男子! 悟有我者, 不复认我; 所悟非我, 悟亦如是。悟已超过一切证者, 悉为人相。善男子! 其心乃至圆悟涅槃, 俱是我者, 心存少悟, 备殚证理, 皆名人相。		
寅三. 征释众生				善男子! 云何众生相? 谓诸众生心自证悟所不及者。善男子! 譬如有人作如是言: “我是众生”, 则知彼人说众生者, 非我非彼。云何非我? 我是众生, 则非是我。云何非彼? 我是众生, 非彼我故。善男子! 但诸众生了证了悟, 皆为我人, 而我人相所不及者, 存有所了, 名众生相。		
寅四. 征释寿者			善男子! 云何寿命相? 谓诸众生心照清静, 觉所了者, 一切业智所不自见, 犹如命根。善男子! 若心照见一切觉者, 皆为尘垢; 觉、所觉者, 不离尘故。如汤销冰, 无别有冰, 知冰销者; 存我觉我, 亦复如是。			
丑三. 总以结示分三		寅一. 不断不成圣果		善男子! 末世众生不了四相, 虽经多劫勤苦修道, 但名有为, 终不能成一切圣果, 是故名为正法末世。		
		寅二. 辗转征释其故分三	卯一. 一向错认		何以故? 认一切我为涅槃故; 有证有悟名成就故。譬如有人, 认贼为子, 其家财宝终不成就。	
			卯二. 我不解脱		何以故? 有我爱者, 亦爱涅槃, 伏我爱根为涅槃相。有憎我者, 亦憎生死; 不知爱者, 真生死故; 别憎生死, 名不解脱。	
			卯三. 法不解脱		云何当知法不解脱? 善男子! 彼末世众生习菩提者, 以己微证为自清静, 犹未能尽我相根本	
		寅三. 验知我根未尽		若复有人赞叹彼法, 即生欢喜, 便欲济度; 若复诽谤彼所得者, 便生瞋恨。则知我相坚固执持, 潜伏藏识, 游戏诸根, 曾不间断。		

表 4-5: (5 表)【讲四卷】经文卷下: 丙二. 令依解修行随根证入分二

丙二. 依修随证 二 丁二. 明相三 广行分 戊二. 问别观中修 证分二	己二. 二问答两重除障分二 庚一. 除我入觉分五	辛五. 正答所问分三	壬一. 长行分三	癸二. 斥迷无功劝修分二	子一. 分类为斥分四	丑一. 斥有我无功	善男子! 彼修道者, 不除我相, 是故不能入清静觉。善男子! 若知我空, 无毁我者, 有我说法, 我未断故。众生寿命, 亦复如是。
					丑二. 说病无功	善男子! 末世众生说病为法; 是故名为可怜愍者。虽勤精进, 增益诸病, 是故不能入清静觉。	
					丑三. 斥窃德无功	善男子! 末世众生不了四相, 以如来解及所行处, 为自修行, 终不成就。	
					丑四. 斥增慢无功	或有众生, 未得谓得, 未证谓证。见胜进者, 心生嫉妒, 由彼众生, 未断我爱, 是故不能入清静觉。	
					子二. 警策真修		善男子! 末世众生希望成道, 无令求悟, 唯益多闻, 增长我见。但当精勤, 降伏烦恼, 起大勇猛! 未得令得, 未断令断; 贪、瞋、爱、慢, 谄、曲、嫉妒, 对境不生; 彼我恩爱, 一切寂灭。佛说是人, 渐次成就。求善知识, 不堕邪见。若于所求别生憎爱, 则不能入清静觉海。’
					癸一. 标颂		尔时, 世尊欲重宣此义而说偈言:
					癸二. 正颂		‘净业汝当知: 一切诸众生, 皆由执我爱, 无始妄流转, 未除四种相, 不得成菩提。爱憎生于心, 谄曲存诸念, 是故多迷闷, 不能入觉城。若能归悟刹, 先去贪瞋痴, 法爱不存心, 渐次可成就。我身本不有, 憎爱何由生? 此人求善友, 终不堕邪见。所求别生心, 究竟非成就。’
壬二. 偈颂分二							

表 5-1: (4 表)【讲五卷】经文卷下: 丙二. 令依解修行随根证入分二

科判					经文		
丙二. 依解修行随根证入分二 丁二. 广行分三	戊二. 问别观中修证分二	庚二. 依师离病分五	辛一. 普觉启请		于是普觉菩萨在大众中, 即从座起, 顶礼佛足, 右绕三匝, 长跪叉手而白佛言:		
			辛二. 正陈请词分二	壬一. 庆前	‘大悲世尊! 快说禅病, 令诸大众, 得未曾有, 心意荡然, 获大安隐。		
				壬二. 请后	世尊! 末世众生, 去佛渐远, 贤圣隐伏, 邪法增炽。使诸众生求何等人, 依何等法, 行何等行, 除去何病? 云何发心, 令彼群盲不堕邪见?’ 作是语已, 五体投地; 如是三请, 终而复始。		
			辛三. 如来赞许		尔时, 世尊告普觉菩萨言: ‘善哉! 善哉! 善男子! 汝等乃能咨问如来如是修行, 能施末世一切众生无畏道眼。令彼众生得成圣道。汝今谛听, 当为汝说!’		
			辛四. 承教静听		时, 普觉菩萨奉教欢喜, 及诸大众默然而听。		
	己二. 二问答重障分二	辛五. 正答所问分二	壬一. 长行分五	癸一. 指明师令事分三	子一. 令识	‘善男子! 末世众生将发大心, 求善知识, 欲修行者, 当求一切正知见人: 心不住相; 不著声闻缘觉境界; 虽现尘劳, 心恒清静; 示有诸过赞叹梵行, 不令众生入不律仪。求如是人, 即得成就阿耨多罗三藐三菩提。	
					子二. 令事	末世众生见如是人, 应当供养, 不惜身命。彼善知识四威仪中常现清静, 乃至示现种种过患, 心无憍慢, 况复搏财、妻子、眷属?	
					子三. 显益	若善男子, 于彼善友不起恶念, 即能究竟成就正觉, 心华发明, 照十方刹。	
				癸二. 示四病应除分三		子一 总标征起	善男子! 彼善知识所证妙法, 应离四病。云何四病?

表 5-2: (4 表)【讲五卷】经文卷下: 丙二. 令依解修行随根证入分二

丙二·令依解修行随根证入分二	戊二·四问答别明观行中根修证分二	庚二·依师离病分五	辛五·正答所问分二	壬一·长行分五	癸二·示四病应除分三	子二·别明行相分四	丑一·作病	一者，作病。若复有人作如是言：“我于本心作种种行，欲求圆觉。”彼圆觉性非作得故，说名为病。		
							丑二·任病	二者，任病。若复有人作如是言：“我等今者，不断生死，不求涅槃。生死涅槃，无起灭念，任彼一切随诸法性，欲求圆觉。”彼圆觉性非任有故，说名为病。		
							丑三·止病	三者，止病。若复有人作如是言：“我今自心，永息诸念，得一切性寂然平等，欲求圆觉。”彼圆觉性非止合故，说名为病。		
							丑四·灭病	四者，灭病。若复有人作如是言：“我今永断一切烦恼，身心毕竟空无所有，何况根尘虚妄境界，一切永寂，欲求圆觉。”彼圆觉性非寂相故，说名为病。		
					子三·结明真伪		离四病者，则知清静。作是观者，名为正观；若他观者，名为邪观。			
					癸三·辨事师之心			善男子！末世众生欲修行者，应当尽命供养善友，事善知识。彼善知识欲来亲近，应断憍慢；若复远离，应断瞋恨。现逆顺境，犹如虚空，了知身心，毕竟平等，与诸众生同体无异。如此修行，方入圆觉。		
					癸四·明除病之行分二	子一·明所治	善男子！末世众生不得成道，由有无始自他憎爱一切种子，故未解脱。			
						子二·明能治	若复有人，观彼怨家，如己父母，心无有二，即除诸病。于诸法中，自他憎爱，亦复如是。			
					癸五·愿发心深广		善男子！末世众生，欲求圆觉，应当发心作如是言：“尽于虚空一切众生，我皆令入究竟圆觉。”于圆觉中，无取觉者，除彼、我、人一切诸相，如是发心，不堕邪见。’			
				壬二·偈颂分二	癸一·标颂		尔时，世尊欲重宣此义而说偈言：			
					癸二·正颂		‘普觉汝当知：末世诸众生，欲求知识者，应当求正见，心远二乘者。法中除四病，谓作止任灭。亲近无憍慢，远离无瞋恨，见种种境界，心当生希有，还如佛出世，不犯非律仪，戒根永清静。度一切众生，竟究入圆觉，无彼我人相，当依正智慧，便得超邪见，证觉般涅槃。’			
	戊三·一问答道场加行下根修证分五	己一·圆觉启请		于是圆觉菩萨在大众中，即从座起，顶礼佛足，右绕三匝，长跪叉手而白佛言：						
		己二·正陈请词分二	庚一·庆前	‘大悲世尊！为我等辈广说净觉种种方便，令末世众生有大增益。						
			庚二·请后	世尊！我等今者已得开悟。若佛灭后，末世众生未得悟者，云何安居，修此圆觉清静境界？此圆觉中三种净观，以何为首？惟愿大悲，为诸大众及末世众生，施大饶益！’作是语已，五体投地；如是三请，终而复始。						
		己三·如来赞许		尔时，世尊告圆觉菩萨言：‘善哉！善哉！善男子！汝等乃能问于如来如是方便，以大饶益施诸众生。汝今谛听，当为汝说！’						
		己四·承教静听		时，圆觉菩萨奉教欢喜，及诸大众默然而听。						
		己五·正答所问分二	庚一·长行分二	辛一·答道场分二	壬一·结前	‘善男子！一切众生，若佛住世，若佛灭后，若法末时，有诸众生具大乘性，信佛秘密大圆觉心，欲修行者；若在伽蓝安处徒众，有缘事故随分思察，如我已说。				

表 5-3: (4 表)【讲五卷】经文卷下: 丙二. 令依解修行随根证入分二

丙二. 令依解修行随根证入分二 丁二. 广明行相分三	戊三. 一问答道场加行下根修证分五	己五. 正答所问分二	庚一. 长行分二	辛一. 答道场分二	壬二. 正说分三	癸一. 道场期限		若复无有他事因缘, 即建道场, 当立期限: 若立长期, 百二十日; 中期百日; 下期八十日, 安置净居。				
						癸二. 分三	子一. 明道场行相	丑一. 明随相用心	若佛现在, 当正思惟; 若佛灭后, 施設形像, 心存目想, 生正忆念, 还同如来常住之日。			
								丑二. 明礼忏仪式	悬诸旛华经三七日, 稽首十方诸佛名字, 求哀忏悔, 遇善境界, 得心轻安。			
								丑三. 明离相用心		过三七日, 一向摄念。		
						子二. 明遇夏安居分三		丑一. 标异声闻		若经夏首三月安居, 当为菩萨, 清净止住。心离声闻, 不假徒众。		
								丑二. 正陈词句	至安居日, 即于佛前作如是言: “我比丘、比丘尼、优婆塞、优婆夷某甲, 踞菩萨乘, 修寂灭行, 同入清净实相住持; 以大圆觉为我伽蓝。身心安居平等性智; 涅槃自性无系属故。今我敬请, 不依声闻, 当与十方如来及大菩萨三月安居, 为修菩萨无上妙觉大因缘故, 不系众徒。”			
								丑三. 结示休夏		善男子! 此名菩萨示现安居。过三期日, 随往无碍。		
						癸三. 诫取邪证		善男子! 若彼末世修行众生, 求菩萨道入三期者, 非彼所闻一切境界, 终不可取。				
			辛二. 答加行分四	壬一. 三观初首方便分三	癸一. 修学静观方便		善男子! 若诸众生修奢摩他, 先取至静, 不起思念, 静极便觉; 如是初静, 从于一身至一世界, 觉亦如是。善男子! 若觉遍满一世界者, 一世界中有一众生起一念者, 皆悉能知, 百千世界亦复如是。非彼所闻一切境界, 终不可取。					
					癸二. 修学幻观方便		善男子! 若诸众生, 修三摩钵提, 先当忆想十方如来、十方世界一切菩萨, 依种种门, 渐次修行勤苦三昧, 广发大愿, 自熏成种。非彼所闻一切境界, 终不可取。					
					癸三. 修学寂观方便		善男子! 若诸众生修于禅那, 先取数门, 心中了知生、住、灭念, 分齐头数。如是周遍四威仪中, 分别念数, 无不了知。渐次增进, 乃至得知百千世界一滴之雨, 犹如目睹所受用物。非彼所闻一切境界, 终不可取。					
				壬二. 总结三观方便		是名: 三观初首方便。						
				壬三. 遍修三观圆成		若诸众生, 遍修三种, 勤行精进, 即名如来出现于世。						
				壬四. 别开钝根修证		若后末世钝根众生, 心欲求道, 不得成就, 由昔业障, 当勤忏悔, 常起希望。先断憎爱、嫉妒、谄曲。求胜上心; 三种净观, 随学一事。此观不得, 复习彼观, 心不放舍, 渐次求证。’						
			庚二. 偈颂分二	辛一. 标颂				尔时, 世尊欲重宣此义而说偈言:				
				辛二. 正颂	‘圆觉汝当知: 一切诸众生, 欲求无上道, 先当结三期, 忏悔无始业。经于三七日, 然后正思惟, 非彼所闻境, 毕竟不可取。奢摩他至静, 三摩正忆持, 禅那明数门, 是名三净观, 若能勤修习, 是名佛出世。钝根未成者, 常当勤心忏, 无始一切罪, 诸障若消灭, 佛境便现前。’							

表 5-4: (4 表)【讲五卷】经文卷下: 乙三. 流通分分五

乙三. 流通分分五	丙一. 庆闻深法请问流通分三	丁一. 贤善首启请		于是贤善首菩萨在大众中, 即从座起, 顶礼佛足, 右绕三匝, 长跪叉手而白佛言:		
		丁二. 庆适闻所詮		‘大悲世尊! 广为我等及末世众生, 开悟如是不思议事。		
		丁三. 问能詮各义		世尊! 此大乘教, 名字何等? 云何奉持? 众生修习得何功德? 云何使我护持经人? 流布此教, 至于何地? ’ 作是语已, 五体投地; 如是三请, 终而复始。		
	丙二. 赞许静听交感流通			尔时, 世尊告贤善首菩萨言: ‘善哉! 善哉! 善男子! 汝等乃能为诸菩萨及末世众生, 问于如来如是经教功德名字。汝今谛听, 当为汝说!’ 时, 贤善首菩萨奉教欢喜, 及诸大众, 默然而听。		
	丙三. 依问宣说内护流通分二	丁一. 且标能说能护之人		‘善男子! 是经, 百千万亿恒河沙诸佛所说, 三世如来之所守护, 十方菩萨之所归依, 十二部经清净眼目。		
		丁二. 正答所说所护之法分五	戊一. 答名字		是经名大方广圆觉陀罗尼, 亦名修多罗了义, 亦名秘密王三昧, 亦名如来决定境界, 亦名如来藏自性差别; 汝当奉持。	
			戊二. 答所至		善男子! 是经唯显如来境界, 唯佛如来能尽宣说。若诸菩萨及末世众生, 依此修行, 渐次增进至于佛地。	
		戊三. 答奉持分二	己一. 法说		善男子! 是经, 名为顿教大乘, 顿机众生从此开悟, 亦摄渐修, 一切群品。	
			己二. 喻说		譬如大海, 不让小流; 乃至蚊虻及阿修罗, 饮其水者, 皆得充满。	
		戊四. 答功德分三	己一. 以宝施较量显闻经胜		善男子! 假使有人纯以七宝积满三千大千世界以用布施, 不如有人闻此经名及一句义。	
			己二. 以度人较量显说经胜		善男子! 假使有人教百恒河沙众生得阿罗汉果, 不如有人宣说此经分别半偈。	
			己三. 以宿因反验显信经胜		善男子! 若复有人, 闻此经名, 信心不惑, 当知是人, 非于一佛、二佛种诸福慧, 如是乃至尽恒河沙一切佛所, 种诸善根闻此经教。	
		戊五. 答护持		汝善男子! 当护末世是修行者。无令恶魔及诸外道, 恼其身心, 令生退屈。’		
	丙四. 禀命加卫外护流通分三	丁一. 力士众		尔时, 会中有火首金刚、摧碎金刚尼蓝婆金刚等八万金刚, 并其眷属, 即从座起, 顶礼佛足, 右绕三匝而白佛言: ‘世尊! 若后末世一切众生, 有能持此决定大乘, 我当守护, 如护眼目。乃至道场所修行处我等金刚, 自领徒众, 晨夕守护, 令不退转。其家乃至永无灾障, 疫病消灭, 财宝丰足, 常不乏少。’		
		丁二. 天王众		尔时, 大梵天王、二十八天王, 并须弥山王、护国天王等, 即从座起, 顶礼佛足, 右绕三匝而白佛言: ‘世尊! 我亦守护是持经者, 常令安隐, 心不退转。’		
		丁三. 鬼王众		尔时, 有大力鬼王, 名吉槃荼, 与十万鬼王, 即从座起, 顶礼佛足, 右绕三匝而白佛言: ‘世尊! 我等亦守护是持经人, 朝夕侍卫, 令不退屈。其所居一由旬内, 若有鬼神侵其境界, 我当使其碎如微尘。’		
	丙五. 时众受持总结流通			佛说此经已, 一切菩萨、天、龙、鬼、神, 八部眷属, 及诸天王、梵王等一切大众, 闻佛所说, 皆大欢喜, 信受奉行。		

结尾:

结 尾	稽首入于妙神通 是诸众生清淨觉 为诸菩萨演大乘 自利之后欲利他	大光明藏释迦文 身心寂灭归平等 普令信解以修证 随文疏释此了义	三昧正受不思议 圆满十方遍随顺 我今幸逢胜妙法 见闻悉发菩提心	光严住持佛境界 于不二境现淨土 如获摩尼之至宝 同入如来大圆觉
--------	------------------------------------------	------------------------------------------	------------------------------------------	------------------------------------------